

JOXAN REKONDO EA-EAJKO ZERRENDA BURUA

“Herri parte hartzea kanalizatu nahi dugu Udaletxearekin lankidetzan”

■ Joxan Rekondok dio Udal Aurrekontu parte hartzaileen dinamikan sakonduko duela ■ Planteatzen du Ereñotzu eta Epelek auzoko administrazio propio bat izatea, bere programa eta partida ekonomikoarekin.

JOXAN Rekondok kandidatura aurkezpenean azaldu zituen EA-EAJren programaren ardatz nagusiak: herritarren eta Udal Taldeen parte hartzea Udaletxean, normalizazioa eta etxebizitza. Kirolean, plan estrategiko bat proposatzen du, eta berdintasuna generoan ez ezik, ikuspegi orokorrean planteatzen du.

■ Kandidatura aurkezpenean adierazi zenuen bideak jarriko zenituela hauteskundeetan parte hartzea galarazi zaien herritarrek udal erabakietan parte hartzeko. Nola konkretatu hori?

JOXAN REKONDO: Abiapuntua da herri parte hartzea kanalizatu nahi dugula Instituzioarekin lankidetzan. Guk printzipio batzuk planteatzen ditugu orain eta formula konkretuak aztertu egin beharko dira aurrerago. Batetik, Udal Taldeen parte hartzea erraztuko dugu informazioa egoki emanez, iniziatibak kontuan hartuaz eta abar. Legislatura honetan guk ez dugu erreztasun hori izan. Bestetik, Udal Aurrekontu parte hartzaileen dinamika hori ez dugu hautsiko. Guk hori kritikatu izan dugu, baina, dituen gabeziengatik eta formula horretan sakondu egingo dugu.

Arau Subsidiarioen errebiarioi ere berehala helduko diogu, eztabaida zabaldu eta 8-10 urteko herri modelo kontsentsuatuena definitzeko.

Parte hartze horren barruan planteatzen dugu baita ere Ereñotzu-Epelek auzoko administrazio propio bat izatea.



Joxan Rekondo EA-EAJko zerrenda burua.

Formula aztertu egin beharko da, baina, uste dugu auzoaren berezitasunagatik, distantziagatik eta abar, Udaletxeko harremana eta beste zenbait zerbitzu bertatik bideratu litezkeela.

■ Etxebizitzan, zein neurri hartuko dituzue prezioei eusteko?

Gure ustez, azken 12 urteotan etxebizitza publikoaren politika ona egin da Hernanin. Horren lekuko dira Antziolako 350 etxeak, Renfeko ia 60ak, Sagastian dijoazenak eta abar. Baina, 150.000 euro inguruan ordaindu lezakeenarentzat

etxerik ez da egin, eta jende multzo horrentzat 175-200 etxe tasatu egin nahi ditugu. Horretarako promotoreekin hitzarmena lotu beharko dira, baldintzak jartzeko eta abar.

Horiez gain, bi urte barru inguru hasiko dira egiten Sagastian protekzioko 350 etxebizitzak eta legegintzaldi bukaerarako hor izango ditu erosleak.

■ Normalizazio politikoan zer asmo du EA-EAJk?

Gure helburua da normalizazioa lortzea elkarbizitza erreperatuz. Horri etengabe eutsi behar diogu. Asmatzea

JOXAN REKONDO

Joxan Rekondo orain dela 44 urte jaiotzen Hernanin, Karabel auzoan. Gaztetatik hasi zuen militantzia politikoa, eta 27 urte egin ditu, hasi EGI, Eusko Alderdi Jeltzalea, eta Eusko Alkartasunan. Hernaniko Alkate izana 1991-1999 bitartean, eta azken 4 urteotan EA-EAJko bozeramale izan da oposizioan. Legegintzaldi honetan, Gipuzkoako Bazar Nagusietan aholkulari lanetan aritu da. Denbora librean irakurtzea eta idaztea ditu gustoko.

zaila da, kolore eta pentsakera ezberdineko jendea dago, normalizazioaz ere idea eta asmo ezberdinak daude... Hori dena elkarlanean jartzea zaila da proiektu ezberdinen ezberdintasun hori errekonozitzen ez baldin bada hasierahasieratik. Elkarlanean jartze hori da legegintzaldi honetako gure goiburuetako bat.

■ Beste puntu nagusiak?

Normalizazioa, etxebizitza eta parte hartzeaz gain, beste puntu nagusiak enpleoa, berdintasuna eta ingurugiroa dira. Enpleoan, industriari lur zoru eta azpiegitura egokiak eman behar zaizkio eta jendea formatu. Berdintasuna, zentzu zabalean planteatzen dugu: generoan ez ezik, ikuspegi sozialean, zibikoan eta abar. Ingurugiroan, Urumea eta Santa Barbara berreskuratzen hasiko gara. □

EA-EAJREN PROGRAMA (LABURTUTA)

PARTE HARTZEA

Udal Talde politikoek Udalaren martxan benetako parte hartzea izatea erreztu. Aurrekontuak prestatzerakoan parte hartzean sakondu. Ereñotzu-Epele deszentralizatu.

ETXEBIZITZA

Etxebizitzaren prezio garestien aurkako neurriak. 1992an etxebizitza publikoak eraikitzeo hasitako politika jarraitzea, Jaurlaritzarekin elkarlanean. Sagastia bultzatzea: 350-400 etxebizitza publiko 4 urteetan, eta "prezio tasatuko" etxebizitzaren politika: 175-200 etxe tasatu.

HERRI GARAPENA, ESKUALDEAREKIN BATERA

Lurraldearen sustapenarekin eta inbertsio publikoarekin zerikusia duen guztia landu, jarduera ekonomikoak, prestakuntza, enplegua eta abar sortzeko. Txillida-Lekuren inguruan Hernaniko kulturentzako eragin.

KIROLA

Plan estrategiko bat egin, herriko kirol eragile guztiak konprometituko dituen eta Patronatuaren eskaintza egokituko duena herrian kirol gehiago egin dadin. "Hernani sasoiaren" programa martxan jarri.

HEZKUNTZA

Hernanin kalitateko hezkuntza eskaintza bultzatzea. Haur eskola eskaintza osatzea.

EUSKERA

Euskaraz hitz egitera estimulatzeo giroa sortu eta belaunaldien arteko artikulazio linguistikoa hobetu.

INGURUGIROA

Urumea eta Santa Barbara berreskuratzeo plana. Enpresak eremu erresidentzialetatik industri poligonoetara aldatzea.

GIZARTE ZERBITZUAK

Hirugarren adinari lehentasunezko arreta, kalitateari dagokionez. Berdintasuna, zentzu zabalean.

TRAFIKOIA ETA SEGURTASUNA

Trafikoa berrantolatu: Helburuak: oinez ibiltzea bultzatu; barruko ibilbideetan kotxez ibiltzea zigortu; erdigunean txandakako aparkalekuak; errepide sarea optimizatu; garraio publikoa bultzatu.

GALARRETA JAI-ALAI!

Ostegun, larunbat eta igandetan jaialdiak

GAUR 16:00 ETATIK AURRERA
ERREMONTE JAIALDIA:

1. partidua: Larrea - Urrutia / Matxin IV - Lander
2. partidua: Altuna I - Iriarte / Agirresarobe - Lizaso
3. partidua: Altuna II - Etxabe / Zeberio II - Etxeberria III
4. partidua: Zeberio I - Aizpurua II / Iribarren - Etxeberria II

www.kronika.net

kronika

Intemeten helbide berrian

ZINGI-ZANGA
Jatetxea

Eguneko menuak
Asteburuan afariak

Florida 54
943 33 03 97

GARAYAR AUTOBUSAK

Zerbitzu diskrezionalak (ESKOLARRAK)

Autobus zerbitzua
Linea erregularrak

Hernani-Aiete-Donostia-Aiete-Hernani
Andoain-Urnieta-Hernani-Donostia-Hernani-Urnieta-Andoain

Jauregi bailara 17 - Tel.: 943 556 658 / 943 556 662
Faxa: 943 331 208 e-maila: mgarayar@facilnet.es
20120 Hernani (Gipuzkoa)

Galarretan parke enpresariala bultzatzeko hitzarmena lotu dute Udalak eta Sprilurrek

■ Bihar Plenoan intentzio protokoloa eztabaidatuko dute ■ Fraile: "Ekimen honekin Udalak erabat kendu du herriaren kalterako zen hipermerkatua egiteko mehatxua."

OTSAILEAN Alkateak adierazi zuen Kronikan, Udala Galarretan Parke Enpresariala bultzatzen ari zela, ikerkuntza eta teknologia ardatz izango zituen parke enpresariala, hain zuzen ere. Gestioek aurrera egin dute, eta Udala eta Sprilur konpromiso batera iritsi dira parke enpresarial hori aurrera ateratzeko.

Manuel Fraile Hirigintza buruaren esanetan, ekimen horrekin bukatu dira herriarentzat eta merkatarientzat ona izango ez zen hipermerkatu baten mehatxuak. Era berean Frailek uste du aukera paregabeak ekarriko dituela lanpostu berriak sortu eta herriaren garapen sozio-ekonomikoa bultzatzeko.

Beste gai batzuk

Bestalde, aste honetako Hirigintza batzordeak onartu zituen aipatzeko beste bi puntu ere: batetik, Ave Maria parkeak beste 6.500 metro gehiago izango ditu (ia 30.000 denera). Bestetik, onartu da Martindegin Papaanean zona libre bat eta bidea egiteko konbenioa eta Plenora dijoa, bihar. □

Zerbitzu Publikoetako Sailak Lizeaga kaleko espaloia zabaltzeko du, herri bideetako obren barruan

■ 2002tik egindako lanen balorazioa egin dute eta egitasmoen berri eman.

ZERBITZU publikoaren sailak 2002an eta aurtengo urtean kaminuak berritzen egindako obren balorazioa egin du eta aurtengorako onartuta dauden zenbait lanen berri eman du.

Iaz 200.000 eurotik gora gastatu ziren herri bide eta lurzorua konpontzen. Elizatxon lehengo futbol kanpoan urak saneatu eta brea bota dute. Erdia parkin eta erdia futbol kanpo geratuko da. Horrez gain, plazako pareta altxa eta indartu dute. Osiñagan, Loidiko eta Alimoiko zubiak zabaldu eta barandua jarri dute eta Txonkueneko eta Errotarango zubietan barandua jarri dute. Otsuenea-Amuntio bidean urak bildu eta *todouno* botea dute. Ereñotzu bailaran, bideari eutsi diote 2 tokitan Epeleko-Larregain bidean eta aurtengorako bideak zabaldu dute. Latxe-Izeneder bidean *todo unokin* konponketak egin dituzte eta zubiei barandua jarri; Ugaldetxo-Aparrain-Pikoa



Jesus Rebollo Zerbitzu Publikoetako burua eta Antonio 'Sansonategi' guardia, Pardiola-Oinndi bideko lubizari begira.

bota eta uren saneamentua egiten ari dira; Alberro-Agerre bidean kunetak hormigoizkoak jartzen ari dira; Arrikarte-Marrakenea-Jaurregiko eskolak bidean eta Jauregi-Sorgintxulo bidean brea bota eta hormigoizko kunetan jarriak daude.

Lizeagako espaloia

Aurtengo, egitea onartuta dauden lanak dira Lizeagako Arantzazu plaza asfaltatu eta aparkalekuak baterian jartzea, Lizeaga kalean espaloia zabaltzea bidea estututa; Osiñagan, Arriatsurako aldapa asfaltatzea; Pardiola-Oinndi bidean luizia egin da eta konpondu eta bideari eustea; Barkaitzegi baserriari etxeraino hormigoia botatzea eta abar.

Jesus Rebollo Zerbitzu publikoetako burua Kronikari esan dionez Udaleko azpiegitura erabili da lanaren parte bat egiteko eta brigadako langileak ere aritu dira kaminoak berritzeko lanetan. Horrela prezioa jeitsi eta gehiago egiteko aukera izan da. □

Etxeberrin bidea *todounokin* repasatu dute eta urak biltzeko erretenak berritu. Herri barruan, Txantxillatik Gai Mur eta Inmaculada aldera oinezko bidea zabaldu dute. Santa Barbara aldean, Arrigoain-Marrakenea (Saretxo) bidean bideko harkaitzak puskatu, todo unoa

ESKOLA KIROLA ASTEBURUKO EMAITZAK



Escolarteko futbol finalak jokatu zituzte taldeak, Zubipen.

Elizatxo A eta Langile txapeldun futbolean

AURREKO igandean escolarteko futbol finalak jokatu ziren Zubipen, alebin kategorian. Mutiletan, Elizatxo Ak eta Urumeak 4na egin zuten, eta penaltan Elizatxo Ak asmatu zuen gehiena. Nesketan, Langilek 4-2 irabazi zion Elizatxori. □

Futbola	Finalak		
A le. M ut.	Langile B - Langile C	7-8 postua	5-2
A le. M ut.	Uumea A - Inmaculada	6-7 postua	3-7
A le. M ut.	Langile A - Elizatxo B	3-4 postua	2-6
A le. M ut.	Elizatxo A - Uumea B	1-2 postua	4-4
A le. N esk	Langile - Elizatxo	1-2 postua	4-2
A le. N esk	Uumea - Oinezta		1-1

HITZ BITAN



Udal ordezkariak Ereñotzuko etxeak dijoazen tokian.

✓ EREÑOTZUKO ETXEAK

Urbanizazio proiektua martxan. Ereñotzun Protekzio 12 etxebizitza egiteko urbanizazioa martxan da. Udal ordezkariak, arkitektoak eta abar Ereñotzun izan ziren atzo egoera bertatik ikusten. Urbanizazio lanak irail alderako hastea espero da. Etxeak egiten hasteko, berriz, oraindik beste urte erdi pasa beharko da. Etxea egokitu zaien kooperatiba sortzeko bidean dira eta kooperatiba formalizatzen denean etorriko da proiektua, eta gero obrak. Protekzio 12 etxez gain, beste hainbeste egingo dira libreak. Manuel Frailek operazioaren garrantzia azpimarratu du eta adierazi du aurreko zortzi urteetan egin ez dena orain lau urteetan egin dela.

✓ DANTZARI FESTA

Joxanton Artzek hasiko du gaur Txalaparta festa. Joxanton Artzeren hitzaldiak emango dio hasiera aurtengo Txalaparta festari. Aurtengo edizioa Jexux Artze txalapartari zenaren omenezkoa izango da eta bere anaia Joxanton Artzek *Ibarrean zeharka-meharka, mendian gora eta behera* hitzaldia emango du gaur, 19:30etan Biterin.

✓ BILDU HERNANI

Ekitaldi politikoa gaur Plaza Berrian. Bildu Hernanik ekitaldi politikoa egingo du gaur Plaza Berrian, arratsaldeko 19:30etan. Bildu Hernanik jakinarazi du arratsaldeko 19:00etatik aurrera irratiz emango duela ekitaldia FM 92.9an, eta herritarrei dei egin die etxeko bafleak lehiora atera eta irratsaioa jartzea. Bihar, afaria deitu dute Oialumen eta txartelak salgai daude Oinndi, Garin eta Txilin. Larunbatean, berriz, bilkura deitu du Bildu Hernanik, 12:00etan plazan, eta arratsaldeko 20:00etan manifestazioa aterako da plazatik *Euskal Herria aurrera putxerazorik ez* lemaarekin. Bildu Hernanik dei egin die herriko "abertzale eta ezkertiarrei" ekitaldietara azaltzeko. □

† FRANCISCA LEONET PERURENA

ANDREA

Atzo hil zen, 73 urte zituela, Elizakoak eta Aita Santuaren bedeinkazioa hartuta.

-Goian bego-

Senarra: Jose M^o Pagola; seme alabak: Axun eta Joakin Etxeberria; Patxi eta Lourdes Aurkia; Isidro eta M^o Carmen Orbeago, Julian eta Jone Ugalde, Ignacio eta Ines Imaz, Imaculada eta Jesus M^o Otermin, Carmen eta Imanol Goikoetxea, eta Mila eta Agustin Usarralde; bilobak: Garbiñe eta Jokin, Nerea eta Axier, Mirari eta Julen, Garazi, Maialen eta Josu, eta Alex eta Oier; anai-arrebak, ezkon anai-arrebak, ilobak, lehengusuak eta gainerako ahaideak.

Haren animaren alde otoi bat eskatzen dizuete eta arren etor zaitezela GAUR, OSTEGUNA 22, arratsaldeko ZAZPIRETAN, (HERNANIKO) SAN JUAN BAUTISTA parroki elizan, gorputza bertan dela egingo den hiletara. Aldez aurretik, mila esker.

Hernanin, 2003ko maiatzaren 22an

Helbidea: Osiñaga auzoa 25, Txabolategi Baserrira

OHARRA: Gorputza DONOSTIALDEKO TANATORIOAN dago. (Errekalde auzoan).



ZERBITZUAK

☎ TELEFONOAK

- ▶ Taxiak: 943 550093
- ▶ Udaltzaingoa: 943 333288
- ▶ DYA: 943 464622
- ▶ Autobusak: 943 556662
- ▶ Anbulatorioa: 943 006666
- ▶ Jokalari anonimoak: 943 331103

✚ FARMAZIAK

- ▶ Egunez: Etxebeste Elkano 2 ☎ 943 552087
- ▶ Gaez: Urbistondo Lasarte. San Francisco 1B ☎ 943 366567

LAN ESKAINTZA

TOPAGUNEAK EKIPO INFORMATIKOETAKO TEKNIKARIA behar du informazio gehiagorako: Dobera Euskara Elkartera (Larramendi 11) edo deitu 943 33 27 99 ra.

IRAGARKI MERKEAK

Tabernako sukaldean lan egiteko pertsona bat behar dugu. Interesatuak deitu goizez telefono honetara: 943 55 67 06